



Inatsisinut Ataatsimiititaliaq

Ilanngussaq Bilag

UKA 2020/132-mut tunngatillugu kalaallit qallunaallu suleqatigiinneranni innersuussutitut killiffiit naleqquttut pillugit.

18-11-2020
Sulap normua 2020 - 15543
Allakkap Iisarnaataa 15376666

Imm. 132-p - Kinguaassiuutitigut atonerluisimasut pineqaatissinneqarnerannut atatillugu, kinguaassiuutitigut atonerlueqqinnissaq pinngitsoorniarlugu katsorsarneqartalernissaat siunertarlugu nunatsinni pinerluttulerinnermut inatsisip allannguutissaanik saqqummiussisoqarsinnaaqqullugu Naalagaaffeqatigiinnermi oqartussaasut saaffigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut – oqaluuserineqarneranut atatillugu Inatsisartuni ilaasortanit arlaqartunit kalaallit qallunaallu suleqatigiinneranni sammisami tassanerpiaq innersuussutit killiffii apequtigineqarput.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: lian@nanoq.gl
www.naalakkersuisut.gl

Tamassuma malitsigisaanik killiffiit pillugit paasisutissanik Justitsministeriamut piniarpunga, imaattumillu ilisimatitsisinnaavunga:

Innersuussut nr. 14 Nuummi Pineqaatissinneqarsimasunut Inssiisarfimmi katsorsagassanut inissanik pilersitsisoqarnissaa pillugu:

Kinguaassiuutitigut atonerlueqqinnissaq pinaveersaartinniarlugu katsorsagassanut inissanik pilersitsinikkut kinguaassiuutitigut pinerluuteqarsimasut Nuummi Pineqaatissinneqarsimasunut Inssiisarfimmut nuunneqarsinnaalersinnissaannut inatsisitigut tunngavissisussaq Justitsministeriamit suliarineqaleruttoq. Inatsisissatut siunnersuutip Inatsisartut upernaakkut 2021-mi ataatsimiinnissaannut saqqummiunneqarnissaa naatsorsuutigineqarpoq.

Innersuussut 13 Kalaallit Nunaanni Pinerluttunik Isumaginnittuni isertitat kinguaassiuutitigut pinerluuteqarsimasut pineqaatissinneqarsimasut iliuseqarfiginissaannut pilersaarummik pilersitsinissaq, innersuussut 14 Nuummi Pineqaatissinneqarsimasunut Inssiisarfimmi katsorsagassanut inissanik pilersitsisoqarnissaa kiisalu innersuussut 15 Kalaallit Nunaanni Pinerluttunik Isumaginnittoqarfik Katsorsaanermut attaveqatigiinnut ilanngunneqarnissaa pillugit ataatsimut oqaaseqaat:

Innersuussutitut nr. 13-imut 15-imullu atatillugit suliniummi anguniakkat anguniakkallu immikkoortut ilaat qulakkeerniarlugit Direktoratet for Kriminalforsorgen pilersaarusiuleruttoq, suliammut tunngatillugu naleqquttunik inuttassarsinissamik ukkataqarnissaa kiisalu akisussaaffiup agguataarnera suliniummillu aqutsineq ilanngullugit. Tamatuma saniatigut Pinerluttunik Isumaginnittoqarfik suli pilersaarusiortuni aallartissimangilaq, taamaaliornissamut aningaasaliisoqarnissaa pisariaqarmat.

Danmarkimi naalakkersuisut tassunga atatillugu pilersaarutigaat 2021-mut aningaasanut inatsisissatut siunnersuut aqutigalugu aningaasaliissutissat pissarsiarineqassasut kingornalu Pinerluttunik Isumaginnittoqarfimmut ukiuni arlaqartuni isumaqatigiissummiit pisassasut.

Innersuussut nr. 16 meeqqanut inuusuttunullu 18-it inorlugit ukiulinnut kinguaassiuutitigut kanngutsaatsuliorsimasunut katsorsaavimmik sullissivimmik pilersitsineq:

Meeqqanut inuusuttunullu 18-it inorlugit ukiulinnut kinguaassiuutitigut kannguttaatsuliorsimasunut katsorsaavimmik sullissivimmik pilersitsinissamik innersuussineq 2021-imi atulersinneqarnissaa naatsorsuutigineqarpoq.

Naggasiutigalugu pinngitsaaliisumik katsorsaaneq pillugu oqallinnermut atugassatut tulliuuttut innersuussutigissavakka:

- Folketingimi Retsudvalgip apeqqutaanut nr. 1-imut Justitsministeriap akissutaa ulloq 30. januaari 2012-imeersoq,
- Kinguaassiuutitigut atonerluineq pillugu Straffelovrådip isumaliutissiissutaa nr. 1534, qupperneq 378 ff. pinngitsaaliisumik katsorsaaneq pillugu Straffelovrådip oqaaseqarnera (<https://www.ft.dk/samling/20121/almdel/reu/bilag/83/1181397/index.htm>):


"Katsorsaasarneq ullumisut naluneqanngitsoq, meeqqanik kinguaassiuutitigut atonerluisartut pinngitsaaliisummik katsorsaaneqarnissaat pillugu aalajangiiffigisassatut siunnersuutip nr. B 16-ip ullormi 17. januaari 2012-mi siullermeerneqarnerani justitsministerimit ilaatigut nassuiarneqarpoq. Katsorsaaneq tunngaviusumik immikkoortunik marlunnik imaqarpoq.

Immikkoortup aappaa oqaloqatigiinnikkut katsorsaaneqarnerat ittumik tarnip pissusaanik katsorsaaneqarneruvoq. Tarnip pissusaanik pinngitsaaliisummik katsorsaaneq periarfissaanngikkallarpoq, inummi katsorsaaneqarnerat kajumilluni peqataappat katsorsartinnissamullu kajumissuseqarpat katsorsaaneq taamaallaat sunniuteqarsinnaassamat.

Katsorsaaneqarnermi immikkoortup aappaa tassaavoq nakorsaat tiingarusunnernik annikillisisoq. Danmarkimi nunanilu allani tunngavinnut nalinginnaasumik akuerisaasanut tunngatillugu naapertuisumik inuit tarnikkut nappaateqanngitsut nakorsaatit atorlugit katsorsaaneqarnerinut, pineqartup ilisimatitsiviusumik akuersineratigut katsorsaaneq taamaallaat aallartinneqarsinnaavoq, katsorsaaneqarnermullu taamaattumut eqqartuunneqarsimasut peqataanissamat piareersimanagerat piunasaqaataalluni. Taassuma saniatigut oqaatigineqassaaq katsorsaaneq nakorsaatit saniatigut annertuumik sunniutinik (inuunermik navianartorsioritseratarsinnaasut) kinguneqarsinnaammat, soorlu tingukkat kinguneqartitsineq saarnigillu kalkiisa nungukkiartuaarnerat. Taamaattumik inuit taamatut ittumik katsorsaaneqarnerat akuttunngitsumik misissorneqarput

nakkutigineqarlutillu, ilaatigut atoruminaassinnaasumik
kingunerluuteqassagaluarpat katsorsaaneq unitsinneqarsinnaassamat.
Aamma tamatumunnga atatillugu inuup kajumilluni peqataanera
katsorsaanermt nakkutiginninnermullu piumasaqaataavoq.”

Inussiarnersumik inuulluaqqusillunga


Martha Abelsen

Retsudvalget 2011-12
B 16 , apeqquteqaat 1-imut
inaarutaasumik akissuteqaat
Tamanut ammasoq

Christiansborg
1240 København K

Dato: 30. januar 2012
Kontor: Strafferetskontoret
Sagsbeh: Karoline Normann
Sagsnr.: 2011-732-0003
Dok.: 327496

Matumuuna apeqqummut nr. 1-imut meeqqanik kinguaassiutitigut atonerluisartut pinngitsaaliisummik katsorsarneqarnissaat (B 16) pillugu folketingip aalajangiinissaanut siunnersuummut tunngasumut akissuteqaat, Folketingip Retsudvalgiata (Eqqartuussisoqarnermut Ataatsimiititaliaata) inatsiseqarnermut ministerimut ulloq 23. januaari 2012 apeqqutigisaanut. Apeqquteqaat Peter Skaarup-ip (DF) kissaateqarnerata kingunerisaanik tunniunneqarpoq.

Morten Bødskov

/

Carsten Kristian Vollmer

Slotsholmsgade 10
1216 København K.

Telefon 7226 8400
Telefax 3393 3510

www.justitsministeriet.dk
jm@jm.dk

Apeqquteqaat nr. 1 meeqqanik kinguaassiutitigut atonerluisartut pinngitsaaliissummik katsorsarneqarnissaat (B 16) pillugu folketingip aalajangiinissaanut siunnersuummut tunngasoq Folketingets Retsudvalg-ianeersoq (Folketingip Eqqartuussisoqarnermut Ataatsimiititaliaaneersoq):

”Ministeri qinnuigineqarpoq allaserisaq ”Red Barnet vil tvangsbehandle pædofile” (Red Barnet-ip meeqqanik kinguaassiutitigut atuiumasartut pinngitsaaliissummik katsorsarneqarnissaat piumasaaqatigaa), www.avisen.dk-mi ulloq 21. aprili 2008 nal. 21.46-meersoq oqaaseqarfigeqqullugu, pingaartumik allaaserisami oqaaserineqartut pillugit ministerip oqaaseqaateqarfisimasai, allaaserisami oqaaserineqartut uku ”Meeqqanik kinguaassiutitigut atuiumasartuq Finn, apersorneqarnera ataasinngormat Nyhedsavisen-ip saqqummiussaa, suli meeqqanik kinguaassiutitigut atuerusuttarpoq. Isumaqqarpoq pinngitsaaliissummik katsorsarneqarneq annertuumik iluaqutaassasoq. – Niviarsiaqqanik kinguaassiutitigut ilaqarusuttarnera pillugu pinngitsaaliissummik katsorsarneqarusuppunga, kukkusumik iliuseqannginniassagama, oqarpoq.”

Akissuteqaat:

Allaaserisami taaneqartumi tarnip pissusaanik ilisimasalik Kuno Sørensen, Red Barnet, kinguaassiutitigut pineqaatissinneqarsimasut pineqaatissiisutaannut ilaatillugu pinngitsaaliilluni katsorsaasarnissamik tapersiivoq. Tassunga atatillugu issuagaq apeqqummi issuaqqinneqartoq tunngavigineqarpoq.

Tunngaviusumik peqquteqarlunga angummit, issuagaq naapertorlugu meeqqanik kinguaassiutitigut atuerusuttarnermut (pinngitsaaliissummik) katsorsartinnissamik kissaateqartumit, oqaaserineqartut isummerfigisariaqanngilakka.

Tamatuma saniatigut kinguaassiutitigut ileqqorissaannginneq pineqarpat, taava aalajangiinissaq pillugu siunnersuummut ulloq 17. januaari 2012 siullermeerneqartumut oqaaseqaatikka innersuussutigaaakka, tassanilu naalackersuisut tamanna pillugu isumaat nassuiassallugu periarfissaqarpunga.

Soorlu tassunga atatillugu saqqummiisunga, ataatsimut isigalugu naalackersuisut isumaqarput pinngitsaaliissummik katsorsaaneq aqputissaanngitsoq. Taamaalilluni pineqaatissinneqarnerup atuutsinnissaanut eqqartuussisoqarnikkut ileqqutsinnut tunngaviusumik akerliuvoq, soorlu aamma nakorsat ileqqorissaarnerup tungaatigut tunngavigilluinnagaannut akerliusoq. Kiisalu taakku saniatigut ullumikkut

katsorsaaneq meeqqanik kinguaassiutitigut atuerusuttartunut neqeroorutigineqartoq pinngitsaaliinikkut ingerlanneqarnissaminut tulluanngilluinnangaarami isumaqarnaviannngilaq.

Soorlu ilutigalugu eqqaagiga pineqaatissiissutit – taakku ataanni katsorsaanermik atuneq – kinguaassiutitigut ileqqorissaarnissamut pinerluuteqarneq pillugu suliami pineqaatissiineq pillugu inatsimmi kapitali 24-mut tunngasut Straffelovrådet-imit (Pineqaatissiinernut inatsimmut siunnersuisunit) massakkorpiaq ingerlanneqartunut ilaammata. Tassunga atatillugu taavara isumaga naapertorlugu eqqornerpaassasoq sammisamut tunngatillugu isumaliutersuutit sulinerup taassuma naammassineqarnissaanut utaqqimaartinneqassaasut, taaneqareersutullu 2012-imi aasaanerata missaani naammassineqarsimassasut ilimagineqarpoq.